

# GO NGWADIŠA BAKENG SA MOTŠHELO WA BAŠOMI [LEFELA KA GE O GOLA (PAYE)]

## Go ngwadiša bjalo ka Mongmošomo

Go ya ka molao, mongmošomo o swanetše go ngwadiša le Ditirelo tša Motšhelo tša Afrika Borwa (SARS) mo matšatšing a 21 a kgwebo morago ga go ba mongmošomo, ntle le ge bašomi ba gagwe ka moka ba se na maikarabelo a go lefela motšhelo o tlwaelegilego.

Bakeng sa Bengmešomo – ge eba o nyaka go dira kgopelo ya ngwadišo ya metšhelo ya Megolo:

- Tlatša [foromo ya EMP101e ya metšhelo ya Megolo](#) – Kgopelo bakeng sa Ngwadišo ya metšhelo
- Go hwetša thušo ya go tlatša foromo, lebelela [Tlhahli ya go tlatša kgopelo ya Ngwadišo ya Mongmošomo](#) .
- Go hwetša tshedimošo enngwe ka ga motšhelo wa Mongmošomo, lebelela 2018 [Tlhahli ya Mongmošomo bakeng sa Motšhelo wa Bašomi](#) go hwetša dintlha.
- Ge eba o šetše o ngwadišitše bakeng sa mohuta o mongwe wa motšhelo ka eFiling, ka kgopelo lebelela [tlhahli ya Go tlatša Foromo ya Ngwadišo, Kaonafatšo le Tiišetšo](#) bjale ka karolo ya thomo ya Ngwadišo e Tee.

## Go ngwadiša bjalo ka lekala

Moo mongmošomo, ka mabaka a ngwadišo, a dirilego kgopelo ya ngwadišo e nngwe lekaleng la kgwebo ya gagwe, lekala le lengwe le le lengwe le tšewa bjalo ka mongmošomo wa go fapana.

Go ngwadiša bjalo ka lekala la ka thoko go tšwa lekaleng le legolo, foromo ya [foromo ya EMP102e](#) – Metšhelo ya Megolo – Kgopelo ya Ngwadišo ya Lekala e swanetše go tlatšwa gomme e romelwe go SARS.

## Fetošo ya tshedimošo e ngwadišitšwego

Mongmošomo o swanetše go tsebiša SARS mo matšatšing a 21 a kgwebo ka ga [diphetogo tša tshedimošo ya ngwadišo](#) (mohlala: phetogo ya leina, aterese goba ge a se sa šoma bjalo ka mongmošomo, bjalo le bjalo).

## Ngwadišo ya SDL le UIF

Mongmošomo, yo a nyakago go ngwadiša le SARS, bakeng sa PAYE le/goba SDL, gape o swanetše go ngwadiša go lefela dikabelo tša UIF.

## Go ngwadiša bakeng sa morero wa SDL

Moo mongmošomo a nago le maikarabelo a go lefela SDL, mongmošomo o swanetše go ngwadiša le SARS gomme a laetše maatlataolotoka (jurisdiction) ya Taolo ya Mabokgoni a Thuto le Tlhatlho (SETA) go ya ka moo ba swanešego go hlophiwa.

Le ge ele gore [bengmošomo ba bangwe ba lokollotšwe go lefela SDL](#), bengmešomo ba swanetše go ngwadišwa ka moka.

## Go ngwadiša bakeng sa morero wa Kabelo ya UIF

Moo mongmošomo a nago le maikarabelo [go lefela kabelo ya UIF](#), mongmošo o swanetše go ngwadiša le SARS goba le ofisi ya UIF (ye nngwe le enngwe e amegago) bakeng sa ditefelo tša dikabelo.

## Na o hloka thušo?

- Letšetša SARS Contact Centre go 0800 00 SARS (7277)
- Etela [lekala la kgauswi la SARS](#).

- Gape o ka tla [diwekšopong tša rena tša motšhelo](#) goba etela [SARS mobile unit](#).

Go fihlelela letlakala le ka dipolelo tša go fapana kgotla kgokaganyo mo fase:

- [Afrikaans](#)
- [English](#)
- [Sesotho](#)
- [Xitsonga](#)